

PLIMA D'AUR 2021

Il chanè da launa

NICLA PITTET

Jau aud ils pass en la naiv, mes corin dat sigls. Jau ves in maun pitschen che stumpla la porta d'uiigl. La chapitscha naira da launa sa mussa. Igl è mes patrun che avra la porta d'uiigl, las nursas beschlan ed ils asens cloman.

Tuts curran ora. Jau sai che mes patrun gida mai. Jau ves l'emprima giada il prà fitg grond, fitg bel. Jau ves insatge mellen ed oransch cun enturn in fil gris ch e dasperas ina chista. Primavaira, betg pli enviern.

Sche jau aud in velo, alura è quai adina mes patrun. Oz ha el in fist, chalzers da muntogna ed in satg plain paun. El cloma: «Vè tschottlas, vè tschottlas!» Il patrun avra la porta d'uiigl. Jau poss ir ora sin il prà grond, quel è fitg grond. Jau poss far sigls e far termagls. Jau chat fitg bunas ervinas. Dad ina vart dal prà è in



zaiver. La damaun e la saira vegn mes patrun. El metta aua frestga en il zaiver e guarda, sche tut è en urden.

Igl è stad. Ussa vegn in l'auto cun mes patrun, ses bab, sia mamma e perfin sia tatta e ses tat. Els cloman: «Vè tschottlas, vè tschottlas!» Els avran las saivs. Nus ans fermain sut la vischnanca a Grava e faschain in stop. Jau na sai betg tge che capita. Nus spetgain sin las nursas da Riom, Parsonz e Salouf. Nus giain ensemen tras Cunter vers Promastgel.

Jau ves las muntognas e sent l'aria frestga. La via vegn adina pli stretga. Nus essan a Curtegn. Quai è l'alp. Quest prà è bler pli grond che giu en vischnanca.

L'atun è arrivà en vischnanca. In di vegn in auto ester. Or da l'auto vegn in um. El ha ina forsk pli moderna, quella fa ina canera curiusa. Ussa sun jau tschiffà. Mia launa vegn tundida. Jau sun tut blutta, però igl è bel senza launa en l'uiigl chaud. Mia launa vegn messa en in satg grond. La launa vegn lavada e preparada per chapitschas e cuvertas. Jau passent l'enviern per gronda part en l'uiigl e ma legr sin la primavaira.

Nicla Pittet da Cunter ha gudagnà cun quest text la concorrenza da la Plima d'aur 2021 en la categoria «Grischun Central» da la 3.-4. classa. Il tema en questa categoria era «In animal quinta da sia vita».

Durant la stad publitgescha la FMR tut ils indesch texts victurs da la concorrenza da scriver Plima d'aur/Pledpiera, organisada da la Lia Rumantscha.